

Gvangjsih Minzcuz Bau

ganhhau: CN45-0036 B.2019 Nd.7 Ng.17 liggaeuq geijhah nienz ndwenloeg cibhaj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3383期

Geiz Daihhaj Aen Ban Son' gyauq Fazgvanh Cuengh Gun Song Vah Fazyen Daengx Guek Youq Gvangjsih Fazgvanh Yozyen Haiban

Ndwen 7 ngoenz 10, ndaej daengz Ceiq Sang Yinzminz Fazyen dakhawj, Geiz Daihhaj Aen Ban Son' gyauq Fazgvanh Cuengh Gun Song Vah Fazyen Daengx Guek youz Swcigih Ceiq Sang Yinzminz Fazyen banh haenx youq Gvangjsih Fazgvanh Yozyen haiban. Swcigih Minzcunghvej fucujyin Veih Yungjhungz ndaej iucingj bae caeuq-faenh aen yizsi haiban hwnj dangzgoq daih'it hawj bouxhag.

Veih Yungjhungz youq mwh gangjavah naeuz, vih gvancez doeksaed gij cingsaenz aen hoih hong minzcuz Cunghyangh, Ceiq Sang Yinzminz Fazyen, Guekgia Minzvej 《Gij Yigen Mizgven Caen'itbough Gyagiengz Caeuq Gaijndei Son'gyauq Fazgvanh Minz Gun Song Vah Dieg Minzcuz Caeuq Hong Son'gyauq》caeuq Guekgia Minzvej daengj roek buvej 《Gij Yigen Mizgven Doicaenh Hong Ganbu Dieg Minzcuz Hag Song Vah》daengj vwnzgen cingsaenz, bi 2015 doxdaeuj, doengh aen bouhmonz guh-

hong minzcuz cunghgyau (saw vah minzcuz) swcigih gaenxmaenx boiqhab Swcigih Ceiq Sang Yinzminz Fazyen, banh le 4 geiz aen banh son'gyauq fazgvanh Cuengh Gun song vah fazyen daengx guek, swnhleih guhsat hong sawqdiemj bingzdingh fazgvanh Cuengh Gun song vah fazyen 12 aen yienh (si, gih) comzyouq Bouxcuengh daengx gih, hai aen hoih doicaenh fazgvanh Cuengh Gun song vah daengx gih bi 2019, cungjgez hong fazgvanh Cuengh Gun song vah geij bi neix daeuj, vih swcigih fazyen caeuq bouhmonz guhhong minzcuz cunghgyau (saw vah minzcuz) doxgap guh hong dwk roengz giekdae ndei. Coglaeng, doengh aen bouhmonz guh hong minzcuz cunghgyau (saw vah minzcuz) swcigih yaek laebdaeb fatok gij cozyung guenjeix caeuq sonyinx hong saw vah minzcuz vunznoix daengx gih, yungh banhfap miz yungh, gaenxmaenx boiqhab, haeujcoengh guh ndei hong son'gyauq fazgvanh Cuengh

Gun song vah, caezcaemh doicaenh gih raeuz minzcuz doxgiet cinbu, aenbiengz huzndei onjdingh, vih hwnjguh aen Gvangjsih gyaunde, saedyienh aen loqsiengj fukhwng guh'ok gungyen engq hung.

Aen yizsi haiban sat le, Veih Yungjhungz gangj dangzgoq daih'it 《Sawvah Minzcuz Gvangjsih Caeuq Gij Daegdiemj Vwnzva De》hawj bouxhag.

Ciuq cam rox, baez son'gyauq neix seizgan dwg ndwen 7 ngoenz 9 daengz ndwen 7 ngoenz 30, fazgvanh gihcwngz caeuqfaenh son'gyauq gung h miz 40 vunz (ndawde Gvangjsih 38 vunz, Yinznanz 2 vunz). Baez neix son'gyauq neiyungz cujyau miz songyauq swhsienj cwngci suciz, hwnjguh aen doih fazgvanh minzcuz, fungsug caeuq gimqgeih Bouxcuengh, yenzgiu gij lizsij vah Bouxcuengh, swnjcienz baujhoh fwen Bouxcuengh, gij fuengfap caeuq yisuz hong saemjbueng dieg minzcuz daengj.

(Cangh Haijyingh Yauz Wnhmingz)

Aen Dungceh Bae Yanggangj Angj Fungcingz Minzcuz



Ndwen 7 ngoenz 10, "yienj-souh gauhdez youz song dieg: yawjngonz gij yinh vwnzva feihyiz" Namzningz Doeng-Yanggangj Giujlungz dungceh hai baez nduj caeuq aen yizsi hainduj hozdung doigvangq lezech cawjdaez Gvangjsih feihvuciz vwnzva yizcanj youq camh dungceh Namzningz Doeng Gvangjsih banh, caemhcaiq youq aen lezech hai baez nduj neix hai miz Sanhgyangh, Yungzsuij, Hingh'anh, Bahmaj daengj 8 aen cawjdaez siengci, langhbaej gofoux, gyonglaz gimz yienz, gijgwn ndei Gvangjsih daengj vwnzva feihyiz lai yienh caeuq huq banggunz yenzswngdhai hawj beixnuengx Gvangjsih Yanggangj song dieg yawj. Ciuq cam rox, Namzningz caeuq Yanggangj ngoenznaengz hai dungceh dox baedauq baez ndeu, cenzcwngz hai 3 diemj cung 59 faen, henz roen gingvauq Vuzcuh Namz, Fuzsanh Sae, Gvangjcuh Namz daengj camh. Ndaw doz dwg bouxhek guek rog caeuq beixnuengx minzcuz vunznoix hab'ingj.

(Gung Bujangh/龚普康)

Dwzbauij: Heiquengh Bae Mbanjyauz Yienj

Mboengqneix, Dwzbauh Yen cuj-ciz aen doih Heiquengh honghoengq aen yienh bonjfaenh bae Mbanjyauz Lungzsangh Cin Gofuj Cunh aen yienh neix banh aen hozdung senhconz vut gungz gunggeng caeuq bae mbanj cunz yienjheiq "vwnzva haeuj fanh ranz", neix dwg Heiquengh aen yienh neix baez nduj bae Mbanjyauz yienj.

"Nanz raen miz doih heiq daengz ndaw mbanj yienj, senhconz cwngcwz

ndei dangj, gyoengq beixnuengx Yauz-cuz dou caeuq beixnuengx Bouxcuengh doxlumj, engq miz doenghlig vut gungz baenz miz, engq miz saenqsim buet coh siujganh."

Ciuq cam rox, baez yienjok neix yungh vut gungz gunggeng guh cujyau neiyungz, yungh gangj ciengq, vaiqbanj, siujbinj, Heiquengh daengj hingzik vunzlai haengj dingq gyaenz yawj haenx yienjok, haenqrengz senhconz cwngcwz vut gungz gunggeng,

fatyengz gij cingsaenz vut gungz, gujli vunzlai caen'itbough cuengqlangh ngeixnaemj, mbouj deq mbouj baengh, gag ok rengz guh, haenqrengz buekguh, ceng'aeu vaiqdi ndaej vut gungz baenz miz. Doengzseiz, baez neix Heiquengh bae Mbanjyauz yienj, rengzrwd doicaenh vwnzva Bouxcuengh caeuq vwnzva Yauzcuz doxyungz hwnghat, coicaenh minzcuz doxgiet huzndei.

(Cinz Siubeih Yangz Cigoz)

SIUSIK DINJ

● Mboengqneix, Lungz-linz Gak Cuz Swciyen cuj-ciz lauxhangz bae mbanj songyauq dinfwngz guenjeix suen gonengznuengx, doeng-gvaq fat swliu fuengz bingh nonhah, dangciengz guhyienh ganggej, daezsang gij suijbingz dinfwngz ndaem gonengznuengx ciengx nonsei vunzlai, baujmaenh ranz ndaem gonengznuengx ciengx nonsei laisou baenz miz.

(Liengz Saugvanh)

● Geij bi neix daeuj, Lozcwngz Mulaujcu Swciyen aeu makit dangguh hangh canjnieb banggunz ndeu daeuj guh, seizneix daengx yienh ndaem makit najdieg daengz 8 fanh moux, mboujdan ndaej ceihleix bienq dieg rinsa, youh gyalai vunzguhnaz souhaeuj. Seizneix, cingq dwg seiz youqgaenj makit baenz, vunzguhnaz aen yienh neix mbouj nguh seizhong, cagaenj guh ndei hong guenjeix mak baenz, ceng'aeu mak sou ndaej lai, gyalai souhaeuj.

(Veiz Yuzdai)

● Geij bi neix daeuj, Denhngoz Yen laebdin dienheiq, diegnamh daegbied daengj swyenz diuzgen bonj yienh, ndaem makmaenj, makdauz, makbug ndaw nding daengj mak, hawj vunzlai ndaej laisou. Daengz seizneix, aen yienh neix ndaem mak najdieg daengz 18.1 fanh moux, ndawde miz 7.8 fanh moux gaeng baenz mak.

(Denz Siyenj)

● Youq mwh vut gungz gunggeng, Sanhgyangh Dungcuz Swciyen Fuluz Myauzcuz Yangh daj gij saedsaeh bonj dieg haidin, gujli ranzgungzhoj guh dajsiuq Myauzcuz, youq ranz guh "aen cehgenh iq" dajsiuq. Ciuq cam rox, huq dajsiuq gai bae daengz Gveihcouh Lizbingz Yen Dibingz Cin, Gvangjsih Yungzsuij Myauzcuz Swciyen Danenz Yangh daengj dieg henzgyawj, binaengz ndaej hawj ranzgungzhoj laisou 1.2 fanh maenz.

(Gunj Yicungh)